

新疆圖志

辛卯冬月

少魯題

鐵



新疆圖志

李鴻章

李鴻章

李鴻章

新疆圖志卷三十六

食貨志四

紙幣一 迪化局

新疆北路初行使制錢嗣因制錢缺乏復用天罡制錢
愈形阻滯伊塔一帶竟至無錢可使光緒十一年改設
行省巡撫劉錦棠發銀一萬兩飭於省城地方設立官
錢局行使紅錢並委員赴喀喇沙爾庫車吐魯番等處
換運紅錢解省務使南北兩路錢法統歸一律此則創
辦官錢局之大致情形也十五年十二月委知縣陳啟

豐管理即於是月二十六日開局共發成本銀二萬五千七百兩十六年至二十三年兩次製造印票一萬三千張每張紅錢四百文其每月薪工局用大建月共支銀一百一十九兩小建月共支銀一百一十八兩五錢計自十五年起至二十七年止以加水盈餘抵補局中開支外每年賠貼經費銀一千一百餘兩時因舊票破費於二十九年製造印票三十萬張除換回舊票并繳存司庫外由局發行市面之票每年約多至五六萬張自二十八年至三十三年以加水盈餘開支局費印票

工料補還賠墊獎賞司事各項外餘銀無多統計自十五年開辦起迄三十三年止實在長餘銀四千七百九兩一錢三分九釐四毫三十四年藩司王樹枏擬推廣辦法省城設立總局一所鎮迪伊塔阿克蘇喀什噶爾等城各設大局一所南北府廳州縣除蒲犁塔城新平霍爾果斯不計外餘均設分局一所惟迪化分局須由鎮迪大局兼辦總局由藩司督辦大局由各道督辦均用文案收支各項委員分局由各該地方官諭派本地紳商充當董事局內執事人等由各該局董聘僱每年

所得紅利一半歸公一半作爲薪勞局費公家不另開
支惟總局大局所用提調文案收支委員應支薪水及
局用油燭紙張煤炭准由歸公紅利項下開報成本總
共銀一百二十萬兩六成官票其餘四成以金元銀元
紋銀紅錢四項合計此項官票均係由滬辦來洋帖准
其完納糧稅及繳一切公款地方官總司出納每屆年
終將收支數目填表列冊呈報總局大局一次瓜代移
交眼同監交委員三面核算盤算清楚由接手之員出
具切結造冊申報訂有設局章程二十條以上各項官

幣勿論攜至何處可以互相兌換但令照章加水越過一道加銀五錢新疆四道遞加至二兩五錢爲止倘或因事遠出官票難於攜帶准將官票繳局南北兩路聽其通融匯寄訂有匯款章程六條至鄉民遇有緩急准其連環保結向局通挪接濟按期還近酌量取息不逾三分藉示限制訂有放債章程六條

按鈔票之利前人言之已詳一曰造之便捷二曰行之廣遠三曰齎之也輕四曰藏之也簡五曰無成色之好醜六曰無稍兌之輕重七曰草銀匠之

奸偷又曰杜盜賊之窺伺皆較之他物爲幣有特別之利益且他物爲幣其用有時而輒窮用鈔票則造百萬卽百萬造千萬卽千萬操不涸之財源其爲利也大矣新疆歲入不敷歲出協餉又不能年清年欸行用鈔票厯有年所而通融借貸一節

維繫尤非淺鮮

三十四年四月藩司詳言南路阿克蘇喀什噶爾兩道所轄府廳州

縣人烟稠密往往有貧窶纏民向各漢人及外部人之在中流寓放債營生者借貸銀兩違禁取利

輕者七八分重或十餘分數越月而息倍再越月而息再倍子母迭生還無了日迨經控案地方官

援例判斷未遂若輩之頃漢民尙且不捏造謠言信口誣讞外部則札節橫生往往釀成交涉之案

百姓有因此如必謂金銀銅幣歷久不壞紙幣數
破屏逃亡者年而一更前項工料化為烏有其言固亦不謬但
鯁鯁然以是為慮焉抑末矣

紙幣二

伊犁局

伊犁初無官錢局也

乾隆四十年將軍伊勒圖奏設
寶伊錢局歲鑄錢一千一百餘串

奏設

嗣於五十七年每歲加鑄至一千七百二十二串歷嘉
道以至咸同由來舊矣同治五年回匪變亂伊犁九城
相繼失守嗣又為俄人佔據光緒七年始行交還光緒十一年新疆建設行省

十四年伊犁設道府廳縣維時俄元俄普俄帖充塞市
面伊犁府潘守效蘇稟請規復制錢舊法時將軍色楞
額亦憤俄帖充斥大為邊圉漏卮

奏設官錢局十五年五月經戶部

奏爲遵

旨議

奏事伊犁將軍色楞額奏伊犁錢法久廢現擬由官試

辦俾資暢行一摺光緒十五年三月二十八日奉

硃批

戶部議奏欽此遵由軍機處抄交到部據原奏內稱伊

犁行使制錢半由寶伊局鼓鑄咸豐以來改鑄當十當

百大錢旋經俄國賤價買去銷滅無踪洋帖充斥洋普

相輔而行並當十當百大錢亦無之伊犁素產銅劬曠

廢已久採挖緩不濟急新疆近用紅錢伊犁原可做行
但俄國素重此銅若易去改鑄洋普稽查恐啟爭端不
查適足示弱是紅錢一法又碍難通行體察情形擬由
甘肅購運制錢七八萬串暫設官錢局一律行使並出
給錢票搭用如果暢行無滯再擇妥實商民接辦所購
制錢腳價並算運到伊犁每銀一兩能得淨錢若干就
地市估卽照此數酌定民生稱便官本不虧庶期一舉
兩得錢質向係黃銅攙和鉛沙俄國素不重此無慮其
私販錢局開設之後其洋帖洋元洋普擬聽並行免滋

口實嗣後源頭若廣街市時估應否加增隨時察酌議
辦錢票既出俄商不識漢文真偽莫辨萬一奸宄之徒
私造假票做害俄商有傷和好現擬明定章程預爲杜
絕咨呈總理各國事務衙門照會俄國駐京公使轉行
領事官查照辦理前者新疆大定制錢陸續進關者計
在百數十萬串之上今欲勾抽數萬串在甘肅似無大
損已咨督臣譚鍾麟轉令藩司檄由肅州代購一萬串
張掖武威兩縣各二萬串皋蘭縣二萬串分批起解運
至伊犁新疆藩庫舊存制錢數千串無處動用並咨撫

臣劉錦棠悉數運來先行開局試辦所需價腳暫由應解伊犁善後銀兩分別劃扣歸欸署伊犁府知府潘效蘇廉幹有爲擬責成一手經理至本地銅礦稍緩數年能否採挖開爐鼓鑄再行酌復舊規等語臣等查伊犁寶新局例定二爐每年鑄錢一千七百餘串獲銅旺盛酌量加鑄兵燹以後停鑄多年今據該將軍奏稱制錢大錢均極缺乏而洋帖洋元洋普盛行擬由甘肅購運制錢暫設官錢局行使並出票搭用自係爲維持圖法起見應准權宜辦理但各該處能否如數代購運往應

請

飭下甘肅新疆督撫臣詳酌妥辦至此項錢價運脚據稱暫由應解伊犁善後銀兩分別劃扣歸款將來如何籌還及設局後價脚並算每銀一兩淨錢若干就地市估照數酌定務期民生稱便官無虧本與夫嚴防假票無害俄商各節應責成該將軍審慎籌畫總期有裨邊局欵不虛糜毋徒博虛名而無實效至錢票如何造給搭用局費如何籌補開支原奏均未明晰聲叙應請

旨飭下該將軍妥議章程奏明辦理至官設錢局不過一時變

通之策伊犁素產銅觔應令嚴飭將本地銅礦設法採
挖認真整頓照例開爐鼓鑄以復寶伊局舊制所有臣
等遵

旨議

奏緣由恭摺具陳伏乞

皇上聖鑒

訓示謹奏同日奉

旨依議欽此

光緒十五年五月初八日經戶部具
同日奉 旨七月二十日准戶部咨

奏開局

之初派訓導袁之瀛縣丞葛潤泗守備周文魁赴精河

庫爾喀喇烏蘇綏來一帶採收舊存制錢以潘守文在
管理錢局事務在綏定南街折修錢局一所共計大小
房屋舖面二十間又在甯遠東關修錢局一所共計大
小房屋舖面十一間二共用工料銀三千九百七十五
兩四錢九分四釐於十五年二四兩月先後開辦發成
本銀八萬兩製造一千文錢票一萬五千張抵銀三萬
兩五百文錢票一十二萬張抵銀一十二萬兩三百文
錢票二萬張抵銀一萬二千兩二百文錢票二萬張抵
銀八千兩共計錢票一十七萬五千張抵銀一十七萬

兩其票以油布爲之又由甘州涼州肅州採得制錢二萬四千串以上三項輓轡周轉凡以銀易錢者每兩換給錢五百文外加水五分錢二十五文實換給錢五百二十五文以錢易銀者每銀一兩收五百二十五文外加三分局費錢一十五文計收錢五百四十文加水五

分隨市也

市價每紋銀一百兩能換俄帖銀一兩零二二三兩四五兩不等謂之加水外加三

分作局費也行之暮年民情踴躍洋帖之習最喜輕便而厭重贅不見踴躍而制錢之由官民採販者絡繹不絕旋又改章以銀易錢者每銀一兩換給錢一千文外加